

11 Eadhon 'nan gràineilcachd bithidh iad dhuibh : d'am feoil cha'n ith sibh, agus d'an cairbh gabhaidh sibh gràin.

12 Gach *ni* air nach 'eil itean no lannan anns na h-uifgeachaidh, 'na ghràineileachd bithidh sin duibh.

13 Agus dhiubh so gabhaidh sibh gràin am measg nan eun^a, cha'n ithear iad, 'nan gràineileachd *tha* iad : an iolair^b, agus an cnàimh-bhristeach^c, agus an iolair-uifge^d,

14 Agus am fang^e, agus an clamhan^f a réir a ghnè,

15 Gach fithich a réir a ghnè;

16 Agus a' chailleach-oidhche^g, agus an t-seabhag-oidhche^h, agus a' chuachⁱ, agus an t-seabhag^k a réir a ghnè,

17 Agus a' chailleach-oidhche bheag^l, agus an fearbh^m, agus a' chailleach-oidhche mhòrⁿ,

18 Agus an eala^o, agus am pelican, agus an iolair-fhionn^p,

19 Agus a' chorra-bhàn, agus a' chorra-ghlas^q a réir a ghnè, agus an t-adharc-an-luachrach^r, agus an ialtag.

20 Bithidh gach ni snàigeach a dh'itealaicheas^s, agus a dh'imeicheas air cheithir *chasan*, 'na ghràineileachd dhuibh.

21 Ach iad so feudaidh sibh itheadh, do gach ni snàigeach^t a dh'itealaicheas, agus a dh'imeicheas air cheithir *chasan*, aig am

bheil luirgeannan os cionn a throidhean^u, gu leum leo air an talamh.

22 Eadhon iad so dhiubh feudaidh sibh itheadh : an locust a réir a ghnè, agus an locust maol a réir a ghnè, agus an daol^v a réir a ghnè, agus an leumnach-uaine^w a réir a ghnè.

23 Ach bithidh gach ni eile snàigeach a dh'itealaicheas, aig am bheil ceithir *chasan*, 'na ghràineileachd dhuibh.

24 Agus air an fòn sin bithidh sibh neo-ghlan : gach neach a bheanas r'an cairbh, bithidh e neo-ghlan gu feasgar.

25 Agus ge b'e air bith a ghiùlaineas a' bheag d'an cairbh, nighidh e eudach, agus bithidh e neo-ghlan gu feasgar.

26 Bithidh *cairbh* gach ainmhidh a roinneas an ionga, agus nach sgoilt an iadhar, agus nach cnàmh a' chùr, neo-ghlan dhuibh : gach neach a bheanas riu, bithidh e neo-ghlan.

27 Agus ge b'e air bith a dh'imeicheas air a mhàgaibh am measg nan uile bheathaichean a dh'imeicheas air ceithir *chasan*, bithidh e neo-ghlan dhuibh; gach neach a bheanas r'an cairbh, bithidh e neo-ghlan gu feasgar.

28 Agus eian a ghiùlaineas an cairbh, nighidh e eudach, agus bithidh e neo-ghlan gu feasgar; neo-ghlan *tha* iad dhuibh.

29 Agus

^a eunlaith. ^b am firenn ^c iolair mhòr na mara; ossifrage. *Saig.* ^d an t-iasgair cairneach; ghadfaiach. *Eabb.* ^e prechan ingneach, prechan crìofach. *Eir.* vulture. *Saig.* doah. *Eabb.* ^f kite *Saig.* aiah. *Eabb.* ^g a' chomhachag. ^h tachmas. *Eabb.* ⁱ a chuthag; shachaph. *Eabb.* ^k an seabhag. ^l coos. *Eabb.* ^m shalach. *Eabb.* ⁿ ianluph. *Eabb.* ^o tinnemeth. *Eabb.* ^p iolair-thimchiollach; gier-eagle. *Saig.* racham. *Eabb.* ^q a' chùr; anapah. *Eabb.* ^r upupa; ducipath. *Eabb.* ^s gach creutair shìathach a ghluaiseas. ^t snàigeach. *Eir.* ^u throidhean, spàgan. ^v faigham. *Eabb.* ^w am fionnan feoir; chagab. *Eabb.*